



**Societas Iesv Amatrix, Cultrix, Imitatrix, Christi Crvcifixi**

**Sandaeus, Maximilianus**

**Antverpiae, 1647**

58. Inter adorandum Crucifixum, quem manibus tenet, expirat, Paulus  
Josephus Arriaga, Hispanus.

---

---

**Nutzungsbedingungen**

[urn:nbn:de:hbz:466:1-55449](#)

## AMATOR CRVCIFIXI

*Inter adorandum Crucifixum, quem  
manibus tenet, expirat.*

58.  
PAVLVS  
JOSEPHVS  
ARRIAGA  
Hispanus.

PAVLVS JOSEPHVS de ARRIAGA, na-  
tione Hispanus, gente Cantaber,  
cum adolescens Madridij litteris operam  
daret, egressus aliquando in agrum  
deambulatum B. Virginis aspectu allo-  
quioque recreatus, ab illa jussus est, ut  
sibi in Filij sui Societate serviret. Quod  
admissus fecit siuerissime, illustria dans,  
cum in Hispania, cum in Peruana Pro-  
vincia virtutum omnium documenta  
CRVCIFIXI Amator flagrantissimus.

A meridie Veneris ad usque meri-  
diem Dominicæ, ita jejunabat, ut nihil  
gustaret, idque totis XL. annis constan-  
ter præstítit. Et cum rogante importu-  
nius Episcopo Chuquiabensi, bolum  
unum semel, ne illum offendere, sum-  
pisset, valido stomachi dolore cruciatus  
est, donec bolum illum rejectavit: mi-  
rantibus cunctis, hominem viribus pol-  
lentem, nec alias male affectum, bolum  
unum nequivisse digerere.

Concionaturus aliquando in æde ur-  
bis priuice de CHRISTI PASS ONE-  
tantâ obrutus est ariditate animi ac mœ-  
sticiâ, ut desperaret se posse dicere; <sup>ad</sup>  
ubi

CVLTRIX CRVCFIXI. 99

ubi evasit in pulpitū; CRVCFIXI gratia  
ac virtute mutatus est illicò, & incre-  
dibili suo, audientiumque motu CHRI-  
STI CRVCIATVS exposuit.

Erat affabilis, mitis, patiens, nun-  
quam querulus, nunquam immodicè  
iratus. Res sacras eximiā reverentiā tra-  
ctabat. In sacrificio Missæ multis à D̄o  
pijs motibus, sensisque recreabatur:  
multas ipse lachrymas reponebat, quæ  
sulcos duxerant suā frequentiā in ejus  
vultu.

Hic vir tot ornamentis clarus, cùm  
tandem navigaret in Hispaniam, fœda  
tempestate navem jactante, vectores  
magno ardore spiritus ad constantiam  
in morte, jam in oculis obversante, at-  
que ad exhomologesim hortatus est.  
Ipse expiatis omnibus in cameram se re-  
cepit, ubi genibus flexis, ac clinis malo,  
inter adorandum CRVCFIXVM, quem  
manu tenebat, spiritum sanctè exhala-  
vit. Ceteri, poste à facto naufragio, un-  
dis occupati sunt, paucis nando elapsis.  
Patris cadaver fluctibus è navigio ab-  
stractum, postridiè quoque fluitabat  
CRVCFIXVM fovens arcto complexu.  
Quæ acciderunt haud procul Havana,  
Anno salutis M. DC. XXII. ætatis illius  
LXX. aditæ Societatis LV. Peruanæ com-  
memorationis XXXVIII.

Litt. Ind. Osc. per Eleg. Vit. B. S.